

巴陵縣志卷之六十三

雜識十三

流寓 方外

唐趙冬曦定州人擢進士第開元初遷御史坐事流岳州與刺史張說登樓唱和有詩入詩文見省志

韓注貞元閒為諫議大夫以言事忤旨流岳州適意江山棄人閒事杜甫以詩寄之有今我不樂思岳陽濯足洞庭望八荒之句見明一統志

徐員外張祐有將離岳州畱獻徐員外詩又有聽岳州徐員外彈琴詩畱獻詩云不為江南去還來郡北居祐益久居岳之北城徐員外或郡人或流寓未可知也王申志

巴陵縣志

卷之六十三

雜識十三流寓

方外

一

李員外虞李羣玉有東遊江表途出巴邱投員外從弟虞詩云誰昔探花源考槃西岳陽高風動商洛綺皓無馨香一朝下蒲輪清輝照巖廊按李虞蓋隱居岳陽被徵升朝者王申志

崔魯壬申志按魯別君山詩云慚愧二年青翠色惹窗粘枕伴吟詩又題雲夢亭詩云好在池西紅葉樹他年今日伴何人知其居巴陵歷二年而雲夢亭為其寓宅處蓋亭在城外湖岸面君山也

後唐吳澄字元清婺源人長興四年以博學明經薦召對授節度判官致仕時荆襄州縣缺官當事多辟代之所至為民除害後隱居岳州穆家塘聞昌江連雲山川之勝遂卜居田巖見省

志壬申志按此後唐吳澄非元之吳草廬澄也

宋蘇轍字子由號穎濱老人眉山人徽宗時岳州安置時為東坡逮獄

事安置於岳州也見省志府縣志俱未載

陳與義字去非洛陽人登甲科擢符寶郎高宗南遷避亂湖湘寓岳州後召還官至參知政事為人容狀儼恪不妄言笑平居雖謙以接物而內剛不可犯尤長於詩見宋史

胡寅字明仲號致堂宣和初進士紹興時為從官不主和議謫新州秦檜死北歸沒於岳州所著有斐然集三十卷見直齋書錄解題

康叔臨講伊洛之學為謝良佐高弟避世岳陽一時道學之士

巴陵縣志卷之六十三雜識十三流寓方外二

皆出其門見省志

毛友誠字伯明昌江人聞康叔臨得伊洛之傳避世岳陽因徙家往從之謝棄科舉闔戶讀書尤邃於易龔安國高其行諡延領泮宮幾十年時李燔分教岳州極敬禮之學者稱為竹簡先生有集曰玩易手鈔既沒岳陽刻之於泮宮見宋史

明月文憲巴縣人洪武初僑居巴陵以明經舉授武昌訓導有詩集遺世見萬姓統譜

洪晉卿成化十九年晉卿以工部主事監造衣甲不如法謫城陵磯遞運所水夫同時獲罪者九十人期限滿回籍語忤從僉事復摘其私充原役竟不許還遂家城陵磯見臨湘縣志壬申志按

城陵磯與臨湘交界然晉卿謫處
實在巴陵境上不得混入臨湘

劉績字用熙江夏人宏治間進士官吏部主事知鎮江府尋棄
官避地岳州居十年博學能文著有經傳注釋蘆泉文集見省
志

李鍾鼎字懷之閩縣人父時興仕明爲袁州刺史城破時興死
之鍾鼎以卹典蔭中書舍人明亡鍾鼎賣卜負父骨歸葬挈家
入武彝山號雲窩居士來遊洞庭登君山彈琴賦詩一載餘所
著有浪迹放言尙友錄善小楷及白描大士見舊府志

郭都賢號天門晚號些庵益陽人天啟壬戌進士官兵部侍郎
出爲江西巡撫歷都御史見南都政事濁亂知勢不可爲乃挈

巴陵縣志

卷之六十三

雜識十三流寓

方外

三

家隱於巴陵新市焚冠帶祝髮爲僧法名頑石常遊廬山順治
壬辰客迴雁峰瓢笠自如莫知其爲先朝遺老題所居曰繭室
有萬事大無如性命一家真有若僧尼之句又棲真於玉沙湖
種菊自娛額其堂曰補山詩十餘種梓行不著姓名見省志
白雲先生陳昂福建莆田人莆田城破奔豫章織草屨爲日不
足繼之以卜泛彭蠡憩匡廬山已入楚由江陵入蜀遂徧歷三
峽劍門之勝登峨眉反自蜀寓江陵松滋公安巴陵諸處至
金陵姚太守稍客之給居食久之姚太守亦死無所依賣卜秦
淮或自榜片紙於扉爲人傭作詩文而林古度者閩人一日過
其門見所榜片紙於扉突入其室問知爲莆田人檢其詩稱誦

之每稱其一詩輒反面向壁流涕嗚咽至於失聲其後每過門

輒袖餅餌食之居數年竟窮以死列朝詩集

龔仲文字外臣天門人西山賊亂避地岳陽性醑厚坦夷鍵戶嘯吟不與世接著有龔子內外書羣芳譜補遺天與樓詩文集

廖元度稱其喜詩嗜飲好奇器具琴書八杖布置咸異著詩甚富有中晚之風見楚風補

陸禪師洞山初法嗣住乾明寺僧問昔日靈山記今朝嗣阿誰師曰楚山突兀漢水東流曰任心麼則洞山的嗣也師曰聽事

不真喚鍾作甕乙丑郡志無姓一統志居巴陵縣東南楞伽北峰足不出閩者五十年王申

巴陵縣志 卷之六十三 雜識十三流寓 方外 四

志按唐柳宗元有無姓碑舊志以為柳琮誤國朝諸保有君山法席記亦云天岳於唐得無姓於元得無相兩和尚甚不偶也舊志只載無相而遺無姓今考前說補之

灑鑑雲門偃法嗣受具於靈徹分住乾明寺嘗持三轉語酬學者疑問今乾明寺有三轉軒及其墓塔元學士虞集有銘乙丑郡志

無相名普實蜀夔人圓通寺僧誕夕白光燭室泰定三年五月五日有異僧過門因話心包太虛聞之忽省如夙契年十一出

俗攜錫遍歷禪席歎曰大丈夫不越出三界毀形何益由此節飲食脇不沾席七日豁然頓悟云如人飲水冷暖自知自洪武

初南遊荆湘眾迎居圓通寺陞度使法天花飛墜仙鶴翔空長沙早迎實祈禱舟次龍祠祈風說偈遂感神助四百里程未竟

日而至祈求三日果大雨一日示其徒曰辛未正月初二日雷
當歸及期沐浴端坐說偈而逝一統志

徧奕字眉伯黃岡人汪姓襁褓多病八歲博涉羣書遭明季之
亂皈身空門了徹禪旨順治十三年由百丈源分住乾明寺修

顯鑿之業或問獼猴不進圈時如何打師云也跳不出遠近僧
眾宗之當事延開法席於君山於是興復崇勝古刹晚會綏遠

大將軍蔡毓榮助建大雲寺移居焉緇流推為洞宗三十一世

燈省志附錄郡守諸保宥請住持君山啓伏以徧界春風冰
泮露溪山之面中流夜棹月明見天地之心遙看十二螺青
諦聽一聲椎白恭惟和尚青原嫡派百丈親嗣七載新開久勞
鹽醬千年舊案時打葛藤陽春之曲既高親嗣七載新開久勞
具眼鮮不回心茲者洞庭入百奇觀君山十一福地昔時名衲
曾建法幢此日山靈徒存梵刹雖娥英之負簪如故而佛照之

巴陵縣志卷之六十三雜識三流寓方外五

椰栗無傳幸遇吾師移來此寺深慙某等幾負茲山然而宦海
雖深骨亦帶蓮花之氣但以清瀾未涸口難吞棘栗之蓬謹卜
良辰祈宣妙法傳書井邊之橘歷歷家珍朗吟亭畔之松明明
祖意應度者宰官居士巴陵道上誰家寵裏無煙可憐者外道
波旬青草湖邊盡是水月中撈月不提正令曷掃邪蹤欲翻騰百
劫狐身請踣跳三天驢脚伏願兩堂竝唱不妨賓主分明一棒
重拈莫惜婆心太切微阿難之覺海萬字從宵開楚志之迷雲
兩花放手庶高峰鼻孔摸著半邊而道吾手頭咬破一指儼然
驚嶺親到龍潭

朗雲乾明眉伯衣孫雪鑒法嗣後居白鶴山澗湖寺登堂說法

有云陰陽未判父母未生主人翁在甚麼處僧徒皈依有語錄

三卷壬申志

一如君山崇勝寺僧雍正五年七月武陵客船遭風沈於湖僧
偕其徒樸園操舟往救凡十三人畱寺數日贈貲使歸客環泣

曰感師出我於魚腹還求脫我於囹圄僧訝問故僉稱領販齏
賈汪師桂鹽引今失鹽課一千五百餘金歸必不免僧勉慰之
令歸九月水落募善泗者覓得竹箱封扃甚固馳送武陵十三
人已就獄月餘矣汪啓鑰封識如故乃白縣省釋諸人縣義其
事通稟入 告時巡撫趙宏恩給五蘊真空額以表之 壬申志
張尊師許渾有送張尊師歸洞庭詩首云能琴道士洞庭西張
蓋君山道士也 壬申志

劉山人李頻有送劉山人歸洞庭詩君山多名道士劉蓋從學
道術者 壬申志

趙先生高駢有和王昭符進士贈洞庭趙先生詩云爲愛君山
巴陵縣志 卷之六十三 雜識十三流寓 方外六

景最靈角冠秋禮一壇星 壬申志
鄒尊師楊逵有送鄒尊師歸洞庭詩 壬申志

劉敞送僧歸君山羈旅頭髮白寤寐君山青遠遊負雅志舉俗
笑獨醒西風吹新秋幽興浮洞庭忽見九疑峯如列枕上屏遼
遼伯牙意寂然誰爲聽歸客適我願歡然叩柴扃振錫循東道
汎槎問南星瀟湘落君手去矣鴻冥冥橘柚雨初熟杜蘭晚更
馨上方試回顧笑指江漢萍 見公是集

